



PARLAMENTO NACIONAL DE TIMOR-LESTE

Comissão Finanças Públicas

RELATÓRIO FISCALIZAÇÃO IHA MUNICÍPIO MANUFAHI



03 de Agosto de 2020



PARLAMENTO NACIONAL DE TIMOR-LESTE
Comissão Finanças Públicas

SUMÁRIO

- I. Enquadramentu Legal
- II. Objetivo
- III. Kompozisaun Delegação
- IV. Programa Durante Visita de Fiskalizaun
- V. Resultado Fiskalizaun
- VI. Konkluzau
- VII. Rekomendasaun
- VIII. Aprovação

RELATÓRIU FISKALIZASAUN IHA MUNICÍPIO MANUFAHI

I. ENKUADRAMENTU LEGAL

Comissão das Finanças Públicas do Parlamento Nacional, halao fiscalização baseia ba artº. 92º, 95º, n.º 3 alínea e), combinado ho artº. 145.º n.º 3) Constituição da República Democrática de Timor-Leste, no mos baseia ba artº 35º alínea c), combinado ho artº 79º alínea f) Regimento do Parlamento Nacional.

II. OBJETIVO

Comissão de Finanças Públicas, wainhira define atividades iha Plano Ação Anual inklui mos visita ba Municípios ho karater fiskalizasaun atu continua acompanha, monitoriza no fiskaliza ezekusaun OGE ne'ebe executa ona iha programa COVID-19 no DOT. Nune'e iha loron 03 fulan agosto tinan 2020, Comissão das Finanças Públicas halao visita ba iha Município Manufahi atu hatene kona ba progresso nebe atingi no problema ne'ebe executivo hasoru wainhira implementa programa tuir Plano Ação ne'ebe Governo apresenta ba Parlamento Nacional lori husu aprovação.

III. COMPOSIÇÃO

Membro Comissão de Finanças Públicas ne'ebe visita Município Manufahi composto husi Deputados nain sanulu resin ida no acompanha husi técnico Comissão nain ida (1), jornalista RTPN nain ida (1), técnico DIRPEC-PN nain ida (1) inklui motorista secretariado-PN nia no Deputados mak hanesan tuir mai ne'e:

1. Deputada Maria Angelica R. da C dos Reis : Presidente e Chefe Delegação
2. Deputada Rosalina Ximenes : Vice-presidente
3. Deputado Silvino Adolfo Moraes : Membro
4. Deputada Noémia Sequeira : Membro
5. Deputado Duarte Nunes : Membro
6. Deputada Maria Terezinha Viegas : Membro
7. Deputada Maria Fernanda Lay : Membro
8. Deputado António da Conceição : Membro
9. Deputado António Maria Nobre A. Tilman : Membro

- | | |
|--|----------------------|
| 10. Deputada Isabel Maria B. F Ximenes | : Membro |
| 11. Deputado António de Sá Benevides | : Membro |
| 12. Afonso Cassiano Ramos | : Técnico Comissão C |
| 13. Joaquim da Conceição Soares | : Técnico DIRPEC |
| 14. Nazaret A. G. da Silva | : Jornalista RTPN |

Senhoras Deputadas Maria Angelina Lopes Sarmento no Nélia Soares Menezes mak la participa tanba moras.

IV. PROGRAMA DURANTE FISCALIZAÇÃO

Delegação realiza audiência fiscalização nia iha salão Administração Município Manufahi ho entidades mak Administrador do Município, Administradores dos postos Administrativos, Diretores linhas Ministeriais no PNDS.

V. RESULTADU FISCALIZAÇÃO

a. Introdução

Presidente Comissão das Finanças Públicas; ható introdusaun kona ba objetivu visita Comissão das Finanças Públicas iha Município Manufahi, atu hatene kona ba processo ezekusaun Orçamento Geral do Estado duodecimal no orçamento COVID-19.

Encontro ne'e realiza iha salão Administração Município Manufahi, abertura husi Administrador Município. Iha abertura ne'e senhor Administrador município Manufahi ható bem-vindo ba Presidente da Comissão de Finanças Públicas ho membro sira ne'ebe marca presença iha Município Manufahi, hodi bele hatene diak liu kona ba execução orçamento DOT no Covid-19 nia. Apresenta mos administradores dos postos administrativos, Diretores linhas ministeriais, chefe Departamentos no chefe PNDS.

b. Relatório de execução orçamento

- 1. Administrador Município Manufahi:** orçamento duodécimo ne'ebe Governo central aloca iha fulan janeiro to'o junho tinan 2020 hamutuk 1,710,189.00 dólares americanos no executa ona 1,026,734.76 dólares americanos. Realizaun atingi 60%. Orçamento ne'e aloca ba iha:
 - Salario e vencimento hamutuk 808,910.58 centavos dólares americanos, executa 529,960.70 dólares americanos, no atingi 66%. Balanço 278,949.88 dólares americanos;
 - Bens e serviços 678,858.11 dólares americano no executa 274,355.86 dólares americanos, hodi atingi 40%. Balanço 404,502.25 dólares americanos;
 - Transferências públicas hamutuk 222,418.20 dólares americanos ho nia execução 100%. Orçamento ne'e alokadu ba autoridades no membros do conselho do suco.

Município harí equipa “task force” ida kona ba Covid-19 maibe sem orçamento. Durante halao serviço município hetan apoio material husi parceiros local iha município no mos parceiro internacional liu hosi ajuda equipamentos.

Dados kona ba famílias agregados ne'ebe apresenta husi autoridades locais hamutuk 15.808 famílias. Dadus ne mak Município encaminha ba nacional. Governo central aloca orçamento hamutuk 3 milhões dólares americano, maibe husi equipa MSSI halo fali verificação ba dados sira ne'e mak dados ne'ebe município simu fali hamutuk 14.918 famílias no Governo central aprova orçamento 2,983,600 dólares americanos. Maibe família agregados ne'ebe mak simu pagamento hamutuk 14.672 ho nia orçamento 2,834,400 dólares americanos no reclamantes hamutuk 316 famílias ne'ebe agora dadauk hein ninia processo tanba naran la sai iha lista pagamento, osan ne'ebe mak devolve fali ba iha BNCTL hamutuk 177,200.00 dólares americanos.

Município Manufahi iha projeto tolu mak PDN ba Administração município, PNDS ba MAE, maibe projeto sira seluk nia contrato husi nacional ne'ebe ninia acompanhamento husi Ministério Obras Públicas. Projetos PDN nia iha tinan 2015 finaliza ona 100% ho nia orçamento 34,000 dólares americanos no halo ona pagamento 20,159.00 dólares americanos. Ladauk halo pagamento \$3,487.00 dólares americanos tanba lao ho manutenção.

- 2. Diretora Serviço Saúde município Manufahi:** Orçamento município nia husi fulan fevereiro to'o junho ne'ebe aloca iha saúde município hamutuk 25,240.00 dólares americano ba item sira mak hanesan tuir mai:

- Encargo, instalação no bé-mos 2,680.00 dólares americanos;
- Pulsa telemóvel husi fulan abril 157.00 dólares americanos;
- Kona ba workshop no treinamento 2,360.00 dólares americanos;
- Driver no ba regime geral sira 2,844.00 dólares americanos;
- Despesas operacional 1,000 dólares americanos;
- Medicamento no suplay hamutuk 500.00 dólares americanos;
- Manutenção edifício 2,599.00 dólares americanos;
- Manutenção ba kareta no motor 4,297.00 dólares americanos;
- Aluga kareta 875.00 dólares americanos, tanba kareta administração município nia iha hat ho multi função maibe nia kondisaun avaria tanba município komesa uja iha tinan 2009, ne'ebe aluga fali fulan ida 175.00 dólares americanos hodi tula sasan ne'ebe ajuda husi belun Austrália;
- Orçamento ba combustível fulan rua nia hamutuk 2,790.00 dólares americanos;
- Orçamento ba escritório ATK 1,500.00 dólares americanos ne'e aloca fila fali ba centro saúde fatin hat (4) no posto saúde hamutuk vinte e três.

Kona ba orçamento adiantamento duodécimo nia ne'ebe hodi halo atividades Covid-19 mak hamutuk \$35,280.00 dólares americanos ho nia item mak hanesan tuir mai ne'e:

- Orçamento ba fornecimento equipamentos no suplay mak hamutuk 2.001 dólares americanos;
- Orçamento ba Travel hamutuk 2.620.00 dólares americanos;
- Orçamento ba atividades promoção desinfetas e depois de supervisão hamutuk 28.360.00 dólares americanos;
- Orçamento ba desinfetas iha escola ba voluntario sira hamutuk 1,200 dólares americanos;
- Orçamento ba pulsa telemóvel hamutuk 1.000 dólares americanos ne'ebe fahe ba pessoal saúde tomak iha município Manufahi;
- Orçamento ba atividades promoção, desinfetas no supervisão hamutuk 28.000 dólares americanos, ne'e fahe ba parte lima mak iha município no centro saúde fatin hat, ne'ebe cada centro saúde hetan 5.600.00 dólares americanos hodi halao atividades to'o iha baze.

Kona ba subsidio primeira faze nian parte saúde município hato'o ona pedido no dados ba iha ministério da saúde maibe tuir lei ne'ebe fo sai ona katak iha categoria tolu mak: *categoria primeiro* \$25.00 dólares americanos, *categoria segundo* \$20.00 dólares americanos no *categoria terceiro* \$15.00 dólares americanos, ne'ebe front line tau categoria um e dois no sira ne'ebe mak serviço essencial ne'e iha categoria três, maibe realidade ne'ebe mosu mak hamosu fila fali desentendimento entre funcionários katak pagamento ne'ebe mak

iha la tuir relatório ne'ebe mak hatama. Parte husi saúde município nia serviço tuir decisão maibe hamenus fila fali loron ne'ebe mak halao serviço.

3. Diretor Finanças município Manufahi: orçamento DOT nia husi fulan janeiro to'o junho ne'ebe aloca iha administração município nian ba secretariado município hamutuk \$661.358.09 dólares americanos mak:

- Salário e vencimento \$290,775.90 dólares americanos, executa ona \$165,575.95 dólares americanos ne'ebe atingi 57%, nia balanço \$125,199.95 dólares americanos;
- Bens e serviços \$148,163.99 dólares americanos no executa ona \$109,901.10 dólares americanos ne'ebe atingi 74%;
- Transferências públicas \$222,418.20 dólares americanos nia execução 100%.

Orçamento ba parte saúde husi fulan janeiro to'o junho hamutuk \$159,414.33 centavos dólares americanos ne'ebe fahe ba:

- Salário e vencimento \$68,798.00 dólares americanos, executa ona \$58,176.00 dólares americanos ne'ebe atingi 85% ho nia balanço \$10,622.00 dólares americanos;
- Bens e serviço \$90,616.33 dólares americanos, executa ona \$52,340.75 dólares americanos ne'ebe atingi ona 58% ho nia balanço \$38,275.58 dólares americanos.

4. Orçamento ba parte educação do município iha tinan ida ne'e la executa merenda escolar no conceções escolar nia, tanba osan conceções escolar ne'ebe aloca mai iha município \$500.00 dólares americanos ne'ebe la to'o. Total orçamento husi fulan janeiro to'o junho hamutuk \$379,131.41 dólares americanos ne'ebe aloca ba iha:

- Salário e vencimento \$77,629.67 dólares americanos, executa ona \$63,882.50 dólares americanos ne'ebe atingi 82%. Balanço \$13,747.17 centavos dólares americanos;
- Bens e serviços \$301,501.74 dólares americanos, executa ona \$24,811.01 dólares americanos ne'ebe atingi 8%. Balanço \$276.690,73 s dólares americanos.

5. Orçamento ba Ministério das Obras Públicas hamutuk \$328,357.19 dólares americanos ne'ebe aloca ba iha:

- Salário e vencimento \$290,775.00 dólares americanos, executa ona \$165,757.00 dólares americanos, atingi ona 57%. Balanço \$125,018.00 dólares americanos;
- Bens e serviço 3\$7,582.19 dólares americanos, executa ona \$11,541.00 dólares americanos, atingi 31%. Balanço \$26,041.19 dólares americanos.

Orçamento ba Ministério da Agricultura hamutuk 114,516.27 centavos dólares americanos, aloca ba iha:

- Salário e vencimento \$75,684.00 dólares americanos, executa ona \$74,709.25 dólares americanos ne'ebe atingi ona 99%. Balanço \$974.75 dólares americanos;
- Bens e serviço 3\$8,832.27 dólares americanos, executa ona\$ 28,272.00 dólares americanos ne'ebe atingi 73%. Balanço \$10,560.27 dólares americanos. Cada fulan estencionista sira hetan \$3,000 dólares americanos maibe iha fulan janeiro la halo pagamento tanba osan tama tarde.

6. Orçamento ba água e saneamento hamutuk \$65,898.27 dólares americanos ne'ebe aloca ba iha:

- Salário e vencimento \$27,066.00 dólares americanos, executa ona \$22,434.00 dólares americanos, atingi ona 83%. Balanço \$4,632.00 dólares americanos;
- Bens e serviço \$38,832.27 dólares americanos, executa ona \$28,272.00 dólares americanos, atingi ona 73%. Balanço \$10,560.27 centavos dólares americanos.

Orçamento ba ação social município Manufahi iha fulan ne'en hamutuk \$25,243.32 c dólares americanos ne'ebe aloca ba iha:

- Salário e vencimento ema nain rua nia hamutuk \$1,914.00 dólares americanos maibe sistema impede no-la executa ne'ebe parece halo pagamento iha nacional;
- Bens e serviço 2\$3,329.32 s dólares americanos ne'ebe executa ona \$19,218.00 dólares americanos, atingi ona 82%. Balanço \$4,111.32 dólares americanos. Município laiha orçamento ba ação social, combustível no manutenção maibe simu deit carro funeral no ema.

7. **Diretor Obras Públicas município Manufahi:** projeto husi nacional hamutuk sete pacotes ne'ebe total orçamento tuir contrato companha nia hamutuk \$9,800,409.76 dólares americanos, mak hanesan tuir mai:

- *Parte primeiro*, projeto emergência ida ne'ebe halo barreira ba mota nia ho total orçamento \$774,498.81 dólares americanos ho nia execução 100%, ne'e recomenda ona ba nacional;
- *Parte segundo*, projeto loke estrada foun husi mota Belihun ba Maubere posto administrativo Turiscain ne'e iha contrato, ho nia orçamento \$3,413,040.53 dólares americanos ne'ebe agora dadauk lao hela 45% iha tereno;
- *Parte terceiro*, halo barreira no moro iha mota Sukaer oan tanba atu resolve be tama comunidades nia uma ho nia total orçamento \$3,985,902.37 dólares americanos, agora dadauk lao hela 30%;
- *Parte quatro*, projeto emergência hodi protege mota ne'ebe atu tama uma comunidades nia ho

orçamento \$451,569.10 centavos dólares americanos nina progresso iha terreno 14%;

- *Parte cinco*, pacote construção barreira emergência ho osan \$468.667,16 dólares americanos nina progresso 31%;
- *Parte seis*, iha tan pacote ida ba construção ponte \$377,955.81 dólares americanos, nina progresso iha terreno 25%;
- *Parte sete*, construção ponte iha suco Betano posto administrativo Same ho nia total orçamento \$328,755.98 dólares americanos, nina progresso 32.71%.

8. Chefe Departamento PDIM município Manufahi: orçamento ne'ebe aloca hodi halo reconstrução ba obras iha município mak hanesan:

- *Iha tinan 2015*, projeto ida deit mak centro comunitário Fanilelo iha posto administrativo Turiskai ho nia contrato \$34,047.06 dólares americanos ne'ebe halo ona pagamento \$20,159.26 dólares americanos, projeto físico atingi ona 100%, nina pagamento hela deit \$13,887.80 dólares americanos, pagamento 100% ne'e processa ona no companhia sei responsabiliza nafatin ba retenção;
- *Tinan 2016*, projeto construção edifício Bombeiros iha suco Daisua-Same ho valor contrato \$360,114.56 dólares americanos ne'ebe pagamento ona \$298,967.11 dólares americanos, atingi ona 88.80% maibe sei lao hela no falta nina pagamento \$61,147.45 dólares americanos;
- *Tinan 2017* iha projeto tolu mak:
 - 1) Construção ba igreja Nossa Senhora do Rosário de Fatima Alas nia ho contrato \$142,906.32 dólares americanos, pagamento ona \$138,962.11 dólares americanos. Projeto ne'e sei lao hela no sidauk halo pagamento \$3,944.21 dólares americanos, maibe atingi ona 100%, ne'ebe nia pagamento osan resto husi 100% no retenção 10% processa ona;
 - 2) Construção ba Tanki+Menara bé-mos ba edifício administração município nia hamutuk \$7,758.22 dólares americanos ne'ebe halo ona pagamento \$6,361.74 dólares americanos, finaliza ona 100% maibe sidauk halo pagamento hotu ho osan \$1,396.48 dólares americanos, tanba companhia la halo completa retenção 10%;
 - 3) Projeto de renovação da igreja Paroquia Nossa Senhora de Assunção Same-Letefoho ho nia orçamento contrato \$352,668.27 dólares americanos ne'ebe pagamento ona \$272,471.51 dólares americanos maibe sidauk halo pagamento mak \$80,196.76 dólares americanos, atingi ona 80.26% no projeto agora dadauk lao hela.

- *Iha tinan 2019*, orçamento ba construção MCK iha suco Orana-Turiskai \$7,530.00 dólares americanos ne'ebe pagamento ona \$5,854.58 dólares americanos no sidauk halo pagamento \$1,675.43 centavos dólares americanos ne'ebe projeto fisicamente atingi ona 100%, nia pagamento resto ba retenção 10% processa ona. Construção ba edifício da escola ESTV Akadiruhun ho nia valor contrato \$299,910.49 dólares americanos ne'ebe pagamento ona \$141,899.56 dólares americanos, ninia projeto físico lao hela;
- *Tinan 2019*, orçamento ba construção jardim igreja da Nossa Senhora Assunção de Same-Manufahi, ninia contrato \$98,051.65 dólares americanos ne'ebe pagamento ona \$13,158.53 dólares americanos no sidauk halo pagamento \$84,893.12 dólares americanos, atingi ona 40.06%, nia projeto físico lao hela;
- *Tinan 2019*, contrato ba moro do campo de futebol Raeubu-Same ho nia orçamento do contrato \$96,746.84 dólares americanos, halo ona pagamento 3\$8,075.88 dólares americanos ne'ebe nia projeto físico lao hela.

Município iha ona orçamento ba notariado maibe Governo central la destaca ema mai iha município ne'ebe devolve ona orçamento. Município ható ona carta ida ba MOP kona ba instalação eletricidade, tanba companhia dada ona eletricidade maibe la halo pagamento no companhia mos la iha contrato husi Governo, mesmo instalação ne'e falta conexão ba iha escola, no município mos halo ona carta ba iha ministério da educação para toma medidas ruma ba questão ne'e maibe sidauk iha resposta. Ministério educação halo ona aprovação kona ba reabilitação escolas nia tanba condições das escolas ladiak. Kona ba igreja la halo construção foun maibe halo construção foun mak ba capela.

9. Diretora MSSI município Manufahi: husi organização Centro Lorosae fo formação ba labarik sira iha parte Holarua, ne'e cada fulan ministério halo monitorização. Orçamento \$983,600 dólares americanos ba famílias agregados hamutuk 14,918 famílias, maibe uma kain ne'ebe mak simu 14,172 famílias ho orçamento \$834,400 dólares americanos, família ne'ebe mak la simu iha 836 famílias no osan ne'ebe devolve fali ba cofre do estado hamutuk \$167,200.00 dólares americanos, reclamação hamutuk 316 famílias. Iha reclamação ne'e buat rua mak lista no documento ne'ebe município haruka ba iha MAE hodi haruka tutan ba iha ministério relevante. Reclamação nia orçamento la tama tanba hein documentos completo no wainhira halo ona aprovação.

Osan resto husi funcionário ne'ebe salário \$500 dólares americano ba leten hamutuk \$160,200 dólares americanos mak devolve fali ba cofre estado, maibe funcionários nain hat ho nia salario \$500 dólares americanos ba leten mak simu tiha ona, mesmo município fo ona informação tanba ne'e precisa iha auditoria.

10. Diretor escolar município Manufahi: proposta husi município ba iha ministério educação hodi husu osan kona ba merenda escolar para hola produtos local, maibe simu fali fos importação hamutuk 464 sacas iha fulan fins de outubro de 2019, fos ne'e distribui ba escolas hotu. Conceções escolas hamutuk 72 pré-escolares maibe 34 pré-escolares mak hetan osan 500.00 dólares americanos, ne'e ba viagem husi posto Fatuberlio mai Same \$5.00 dólares americanos, maibe viagem ne'e uja motorizadas ne'ebe wainhira fahe osan ne'e balun hetan 1\$0.00 dólares americanos.

11. Diretor ADN município Manufahi: iha projeto 19 husi tinan 2015 to'o 2019 agora lao hela ho nia orçamento \$1,542,929 dólares americanos ne'ebe executa quase 75%, liga ba ponte no estrada nia husi fundo infraestrutura 32 projetos, iha município projeto hat ne'ebe rua mak iha contrato no rua laiha.

12. Diretor PNDS município Manufahi: Projeto PNDS lao hela mesmo Covid-19 maibe trabalhador balun iha vontade diak hodi halao serviço no balun para maibe projeto lao faze por faze ne'ebe fahe tuir etapa, tanba ne'e *faze primeiro* kona iha parte Same no Fatuberlio, *faze segundo* kona iha Alas no *faze terceiro* kona iha Turiscaí, maibe faze primeiro no segundo remata iha tinan 2019 no faze terceiro remata iha fulan julho tinan 2020.

Orçamento ida ho naran fundo vigilância comunitária no recuperação, ne'ebe apoio husi parceiro Austrália ho montante \$393,435.97 dólares americanos hodi halo bé-mos no saneamento e controlo de cheias, ba faze primeiro nia iha posto tolu no suco sanolu resin tolu nia. Kona ba osan Covid-19 nian ne'e cada fulan aloca ba iha conta bancaria suco nia. Orçamento ba faze dois DOT nia ba posto administrativo Alas hamutuk \$225,000 dólares americanos ne'e ba bé-mos no saneamento no uma pessoal saúde sira.

13. Administrador posto administrativo Alas: contrator projeto eletricidade nia companha naran Samboyo no sob contrator mak companha Divita, ne'ebe halao projeto iha tinan 2012 iha posto administrativo Alas parte foho maibe abandona iha tinan 2014 to'o ohin lora. Iha tinan 2016 halo ona coordenação maibe laiha solução no tinan 2017 halo ona carta escrita liu husi município ba nacional hodi husu justificação maibe to'o ohin lora laiha resposta, projeto ne'e agora grave tanba fiu ne'ebe mak dada ne'e monu hotu ona ba rai. Ho ida ne'e recomenda ba iha MOP hodi bele soluciona tanba risco ba ema nia vida. Iha tinan 2016 companha ida husi Manufahi halao construção ba ponte Kakau-Oan maibe to'o agora parado hela lahatene rasão oinsa no ida tan mak bé-mos maibe husi MOP fo ona contrato ba companha seluk atu halo.

14. Administrador posto administrativo Fatuberlio: projeto tinan 2013 nian to'o agora abandonado no inundação mos estraga ponte ida, hato'o ona ba iha nacional parte ministério competente maibe to'o agora laiha construção foun, maibe dehan plano ona ba tinan 2021. Companha concercio balun mak komesa tau horok hotu ba eletricidade no fatin ne'ebe atu tama projeto maibe autoridade hato'o ona katak labele halo impedimento ba projeto foun ruma wainhira tama iha área Fatuberlio.

15. Administrador posto administrativo Same: projetos eletricidade iha Same parte aldeia Kotalala to'o agora abandona no projeto escola técnico profissional iha vila laran husi tinan 2000 to'o agora abandona. Laiha Eletricidade iha suco tolu parte Holarua nia mak Totuluro, Groto no Daisua.

16. Administrador posto administrativo Turiskai: projeto iha posto administrativo Turiskai mak cede aldeia ida iha Fanilelo suco Liurai, projeto ne'e finaliza ona maibe ninia pagamento mak sidauk hotu. Kona ba projeto bo'ot mak implementa estrada husi vila to'o mota Dotik, ninia atividades lao hela mak sira halo hela valeta, halo barreira no pengerasan.

Grande projeto kona ba sistema bé-mos ida iha Turiskai no ida iha suco Orana, ninia construção hotu ona maibe companha sidauk entrega ba Governo ne'ebe dala ruma nia sistema funcionamento mak iha problema. Estrada husi posto administrativo Maubisse to'o Turiskai nia condição ladiak no projeto estrada ne'e hahú husi tinan 2011 to'o 2015 ne'ebe companha Montanha Diak mak kaer, maibe tuir informação katak companha ne'e iha contrato maibe nusa mak lakontinua ninia processo, iha parte seluk mos ninia problema mak pagamento sidauk halo.

VI. Conclusão

Iha visita fiskalizaun ne'e Comissão Finanças Públicas hasai konkluzau hanesan tuir mai:

- 1) Município harí equipa tack force ida kona ba Covid-19 hodi halao atendimento ba comunidades maibe sem orçamento, durante halao serviço hetan apoio husi parceiros local no internacional;
- 2) Iha reclamação famílias agregados hamutuk 316 famílias tanba naran la sai iha lista pagamento, ne'ebe devolve fali orçamento ba iha BNCTL hamutuk \$177,200.00 dólares americanos;
- 3) Parte saúde município iha desentendimento entre funcionários kona ba pagamento tanba la tuir relatório ne'ebe mak hatama mai iha nacional no hamenus fila fali loron serviço Covid-19;
- 4) Iha tinan ida ne'e (2020) educação município Manufahi la executa merenda escolar no conceções escolar tanba osan ne'ebe aloca ba município hamutuk \$500.00 dólares americanos ne'ebe la to'o;

- 5) Iha fulan janeiro la halo pagamento ba estencionista sira tanba orçamento ne'ebe aloca ba iha agricultura iha município tarde;
- 6) Município devolve fali orçamento notariado nia mai iha nacional tanba la destaca funcionários;
- 7) Projetos electricidades kona ba instalações no construções estradas e pontes balun abandona tanba sem contrato no sidauk halo pagamento, nomos Governo ladun iha controla diak ba projetos ne'ebe lao iha município.

VII. Rekomendasaun:

Iha relatório fiskalizasaun ida ne'e Comissão hato'o recomendação ba Governo mak hanesan tuir mai:

- 1) Governo central tenke iha controla diak kona ba projetos ne'ebe lao iha município hodi nune'e fo beneficia ba povo, tanba projeto balun iha contrato maibe lalao no balun projeto físico atingi ona 100% maibe sidauk iha pagamento;
- 2) Governo central aloca orçamento ba iha município tenke baseia ba plano no programa ne'ebe município halo hodi nune'e responde ba necessidades iha base;
- 3) Governo central aloca orçamento ba iha município labele atraso para bele financia serviços ne'ebe mak lao iha município;
- 4) Governo halao projeto ruma tenke iha contrato ho companha hodi nune'e projeto refere bele lao ho diak no beneficio ba povo tanba projeto ne'ebe lao usa orçamento estado;
- 5) Governo central tenke halo avaliação no acompanhamento ba serviços municípios para bele hatene kona ba serviços municípios ninia ne'ebe ho diak ou iha dificuldades.

VIII. Aprovação

Relatório ne'e hetan aprovação iha sala Comissão das Finanças Públicas, iha lora 20, fulan setembro, tinan 2020 ho 11 votos á favor, 0 votos contra no 0 votos abstenção.

Relator

Deputado António da Conceição

Presidente da Comissão das Finanças Públicas

Deputada Maria Angélica Rangel da Cruz dos Reis